



UKA 2018/157  
25. oktober 2018  
Aqqaluk Heilmann

**Kalaallit Nunaanni sanaartornermut malittarisassat, pingaartumik AP95-ip, naleqqussarneqarnissaanik nutarterneqarnissaanillu misissueqqissaarfiusumik Naalakkersuisut UKA2019-mi nassuiaasiornissaanik Inatsisartut aalajangiiffigisassaattut siunnersuut.**

(Inatsisartunut ilaasortaq Peter Olsen, Inuit Ataqatigiit)

Piumasaqaatit pillugit nutarterinissamik piumasaqaammut tulluartautipparput suliamik susassaartuusut nalilersuinerat aamma tusaqqaartariaqarlutigit.

Illussanik titartaasartut ilusilersuinerat malillugu sanasoqartarnera malitseqartuaannarluni nakkutigineqarneranik pissutissaq piumasaqaataasorluunniit eqqorlugu sulisoqarnersoq.

Naleqqussaaniarnermi illussanik titartaasartut, sanasut, allallu sanasarnermut attuumassuteqarsinnaasut kiisalu isumannaallisaarinikkut suliaqartuusut nalilersuillutik innersuussutigisinnaasaat ilanngullugit tusarniarneqarsimappata, tamanna pitsaanerussammat.

Siunissamilu sanaartugassanut maleruagassat nunami issittumut annerusumik tulluarsagassaappata, oquttoqalinnginnissaanut tulluarsarneqarsinnaappata, minnerunngitsumillu utoqqarnut, pitsorluttunut innarluutilinnullu tulluarsarneqarpata pitsaassaqaq.

Siunnersuut sanaartornermut ataatsimiititaliamut ingerlateqqitassanngorlugu innersuussutigaarput.